



МЕСЯЦА НОЯБРЯ В 30-Й ДЕНЬ

Святáго и всехвáльнаго апóстола Андрéя Первозвáннаго

По предначинáтельномъ псалмѣ поёмъ: Блажёнъ мужъ: 1-й антифóнъ. На Гóсподи, воззвахъ: стихíры на 8, гласъ 4.

Подóбенъ: Звáнный свѣше:

Иже Предтѣчевымъ свѣтомъ воображёнъ, / егда озарѣние ипостáсное славы Отѣческия явѣся, / человѣческiй родъ за благоутрѣбие спасти хотѣя, / тогда пѣрвый ты, слáвне, къ Немú притѣклъ еси, / озарѣнъ бывъ въ разумѣ совершеннѣйшею лучею Того́ Божества, / отонудуже и проповѣдникъ и апóстолъ бывъ Христá Бóга нáшего. / Егóже моли спасти и просветити дúши нáша.

Иже Предтѣчевымъ гласомъ оглашёнъ, / егда всесвятóе Слово воплотѣся, жизнь намъ подая / и спасѣние, сýщимъ на землѣ, благовествýя, / тогда Томú, премúдре, послѣдовалъ еси, / и себѣ крайнее и всесвятóе, я́ко начáтокъ, Томú освятилъ еси, / Егóже и познавъ, и возвестилъ еси / срóднику твоёмú Бóга нáшего. / Егóже моли спасти и просветити дúши нáша.

Иже изъ неплодове Прозябшему ученикъ бывъ, / егда дѣвственное Рождество возсия, / благочестiя учитель, / и целомудрiя показýя чистотú, / тогда ты, теплѣйшiй добродѣтели рачитель, Андрее блажённе, былъ еси, / восхождѣния въ сёрдцы твоёмъ полага́я, / и отъ славы къ неизречённѣй взялся еси славе Христá Бóга нáшего. / Егóже моли спасти и просветити дúши нáша.

Сла́ва, глас 4. Анато́лия:

Рыб лови́тву оста́вив, апо́столе, / челове́ки
уловля́еши трóстию прóповеди, / низпу́щая, я́коже
у́ду, благоче́стия льще́ние / и возво́дя из глублины́
ле́сти язы́ки вся, / Андре́е апо́столе, / верхо́внаго
сы́и единокро́вный / и вселе́нныйя кúпно пропове́д-
ниче велегла́сный, / моля́ся не преста́й о нас, /
ве́рою и любóвию благохва́лящих, всехва́льне, /
при́сно честну́ю па́мять твою́.

И ны́не, предпра́зднства, глас то́йже:

Иса́ие, лику́й, Сло́во Бо́жие восприими́, /
прорцы́ Отрокови́це Мари́и / купину́ горети́ огне́м /
и не сгара́ти заре́ю Божества́. / Вифле́еме, благоук-
раси́ся, / отве́рзи врата́, Еде́ме, / и волсви́, иди́те /
видети́ Спасе́ние, в я́слех повива́емое, / Егóже
звезда́ показа́ верху́ верте́па, жизнеда́вца Го́спо-
да, / спаса́ющего род наш.

Вход. Прокі́мен дне. И чтéния 3.

Собо́рнаго послáния Петро́ва чтéние

(зачало 58):

Петр, апо́стол Иису́с Хри́стов, / избра́нным
прише́льцем разсе́яния, / По́нта, Галати́и, Каппа-
доки́и, Аси́и и Вифи́нии, / по прозре́нию Бо́га Отца́
во святи́ню Ду́ха, / в послуша́ние и кропле́ние
Кро́ве Иису́с Хри́стовы, / благода́ть вам и мир да
умно́жится. / Благослове́н Бог и Оте́ц Го́спода
нашего́ Иису́с Хри́ста, / И́же по мно́зей Своёй
ми́лости порождéй нас во упова́ние живо́ / воскре-
се́нием Иису́с Хри́стовым от ме́ртвых, / в насле́дие
нетле́нно, и нескве́рно, и неувяда́емо, / соблюде́но
на Небесе́х вас ра́ди, / и́же си́лою Бо́жиею соблю-
де́ни ве́рою / во спасе́ние гото́вое яви́тися во вре́мя
последнее. / О нёмже ра́дуйтесь, / ма́ло ны́не, а́ще
ле́по есть, приско́рбни бывше́ в разли́чных на́па-
стех, / да искуше́ние ва́шей ве́ры многочестне́йше
зла́та ги́бнуща, / огне́м же искуше́на, / обря́щется в
похвалу́, и честь, и сла́ву во открове́ние Иису́с
Хри́сто́ве. / Егóже не виде́вше, любите́, / и на
Него́же ны́не не зря́ще, ве́рующе же, / ра́дуетесь
ра́достию неизгла́бланною́ и просла́вленною́, /
приёмлю́ще кончи́ну ве́ре ва́шей спасе́ние душа́м. /
О Нёмже спасе́нии взыска́ша и испыта́ша проро́-
цы, / и́же о ва́шей благода́ти прорече́ша, / испыта́-

юще, в каковѣ или в коѣ время являше в них Дух Христовъ, / прежде свидѣтельствуя о Христовѣх страстѣх и яже по сих славах, / имже открься, яко не им самѣм, / но нам служаху сѣя, яже ныне возвестѣшася вам, / благовествовавшими вам Духом Святымъ, посланнымъ с Небесѣ, / в ныже желают Ангели приникнути. / Тѣмже, возлюбленнии, / препоясавше чресла помышления вашего, трезвящеся, / совершенне уповайте на приносимую вам благодать откровениемъ Иисуса Христовымъ. / Яко чада послушания, не преобразующеся первыми невѣдения вашего похотѣнии, / но по звавшему вы Святому и сами святы во всемъ житиѣ будите. / Зане писано есть: / святы будите, яко Азъ Святъ есмь. / И аще Отца называете, нелицемерно судяща комуждо по делу, / со страхомъ жития вашего время жителствууйте, / ведяще, яко не истленнымъ серебромъ или златомъ / избавистеся отъ суетнаго вашего жития, отцы преданнаго, / но честною Крѣвѣю яко Агнца Непорочна и Пречиста Христа, / предувѣдена убо прежде сложенія мѣра, / явльшася же в послѣдняя лета васъ ради. / Иже Его ради веруете в Бога, / воздвигшаго Его изъ мертвыхъ и славу Ему давши, / яко да вера ваша и упованіе будетъ на Бога. / Души ваша очистивше в послушаніе истины духомъ, / в братолюбіе нелицемерно, от чиста сердца другъ друга любите прилежно, / порождѣни не от семени истлѣнна, но неистлѣнна, / словомъ Живаго Бога и пребывающа во вѣки. / Зане всяка плоть, яко трава, / и всяка слава челоуѣча, яко цветъ травный. / Изше трава, и цветъ ея отпадѣ, / глаголъ же Господень пребываетъ во вѣки, / се же есть глаголъ благовествованный в васъ. / Отложше убо всяку злобу, и всяку лесть, / и лицемеріе, и зависть, и вся клеветы, / яко новорождѣни младенцы, словесное и нелестное млеко возлюбите, / яко да о немъ возрастетѣ во спасеніе. / Понеже вкусите, яко благъ Господь. / Къ Немуже приходяще, Каменю Живу, / от челоуѣкъ убо уничижену, от Бога же избранну, честно, / и сами, яко каменіе живо, / зиждитесь в храмъ духовенъ, святительство свято / возносити жертвы духовны, благоприятны Богу Иисусу Христомъ. / Зане писано есть

в Писании: / се полагаю в Сионе Камень Краеуголен, избран, честен, / и веруяй в Онъ не постыдится.

Соборнаго послания Петрова чтение

(зачало 59):

Возлюбленнии, / Христос пострадал по нас, / нам оставль образ, да последуем стопам Его. / Иже греху не сотвори, / ни обретесе лести во устех Его, / Иже укаряемъ, противу не укаряше, / страждя, не прещаше, / предающе же судящему праведно. / Иже грехи наша сам вознесе на теле Своем на Древо, / да, от грех избывше, правдою поживем, / Егоже язвою исцелесте. / Бесте бо, яко овцы заблуждшия, не имущи пастыря, / но возвратистеся ныне к Пастырю и Посетителю душ ваших. / Такожде же и жены, повинующеся своим мужем, / да и аще нецыи не повинуются слову, / женским житием без слова пленени будут, / видевше еже со страхом чисто житие ваше. / Имже да есть не внешняя плетения влас, / и обложения злата, или одеяния риз лепота, / но потаенный сердца человек / в неистлении кроткаго и молчаливаго духа, / еже есть пред Богом многоценно. / Тако бо иногда и святые жены, уповающие на Бога, / украшаху себе, повинующеся своим мужем: / якоже Сарра послушаше Авраама, господина того зовущи, / еже бысте чада, благотворяще и не боящися ни единого страха. / Мужие, такожде вкупе живуще с своими женами по разуму, / яко немощнейшу сосуду, женскому воздающе честь, / яко и снаследницы благодатныя жизни, / во еже не прекращатися молитвам вашим. / Конеч же — вси единомудрени будите, / милостиви, братолюбцы, милосердни, / благоутробни, мудролюбцы, смиренномудри, / не воздающе зла за зло или досаждения за досаждение, / супротивное же благословяще, / ведяще, яко на се звани бысте, / да благословение наследите.

Соборнаго послания Петрова чтение

(зачало 61):

Возлюбленнии, / Христу пострадавшу за ны плотию, / и вы в ту же мысль вооружитесь, / зане пострадавший плотию престал от греха. / Во еже не ктому в человеческия похоти, / но в волю Божию

проче́е во плóти жи́ти вре́мя./ Довле́ет бо вам мимоше́дшее вре́мя жити́я,/ волю́ язы́ческую тво́рившим,/ хо́ждшим в нечи́стота́х, в по́хотех, в скотоло́жстве,/ в по́мыслех, в пьянстве, в козлогласова́ниих,/ в лихоима́нии и богоме́рзских идо́лослуже́ниих./ О нёмже дивя́тся,/ не сходя́щимся вам в то́ же блуда́ разли́ние, ху́ляще,/ и́же возда́ят сло́во гото́ву Су́щему суди́ти живы́м и ме́ртвым./ На се бо и ме́ртвым благове́стися,/ да Суд у́бо при́мут по челове́ку плóтию,/ поживу́т же по Бо́зе Ду́хом./ Всем же кончи́на при́ближися,/ уцелому́дритесь у́бо и трезви́тесь в моли́твах./ Пре́жде же всех друг ко другу́ любóвь приле́жну имейте,/ зане́ любóвь покрыва́ет мно́жество грехо́в./ Страннолю́бцы друг ко дру́гу без ро́птаний./ Кий́ждо, я́коже при́ят дарова́ние,/ между себё́ сим служа́ще,/ я́ко до́брии строите́лие разли́чныя благода́ти Бо́жия./ А́ще кто глаго́лет я́ко словеса́ Бо́жия,/ а́ще кто служит я́ко от кре́пости, ю́же подаёт Бог,/ да о́ всем сла́вится Бог Иису́с Хри́стом,/ Ему́же есть сла́ва и держа́ва во ве́ки веко́в, ами́нь.

На литий стихира храма и апостола, глас 1.

Творение Андрея Иерусалимского:

Первозва́нный учени́к и подража́тель стра́сти,/ сообразу́я Тя, Го́споди, Андре́й апо́стол,/ и́же во глубине́ неведе́ния прельща́емая ино́гда,/ уди́цею Креста́ Твоего́ возвлек, приведе́ Тебе́./ Те́мже и, спа́сшеся, ве́рнии, вопие́м Ти:/ моли́твами его́, Преблагий,/ жизнь на́шу умири́ / и спаси́ ду́ши на́ша.

Воспойм, ве́рнии, Петро́ва сро́дника Андре́я,/ Христо́ва учени́ка,/ той бо мо́ре мре́жами* испытáв ино́гда, ры́бы улови́,/ ны́не же вселе́нную трóстию ловит Креста́,/ и язы́ки от преле́сти обра́щает ко Креще́нию,/ и, Хри́сту́ предсто́я, про́сит ми́ра ми́ру / и ду́шам на́шим ве́лия ми́лости.

О́гнь у́мный, просвеща́ющ мы́сли и опаля́ющ грехи́, / вну́три при́ем в се́рдцы, апо́стол Христо́в и учени́к / сияет у́бо та́инственными луча́ми учений /

* мре́жами — сетями

во языческих непросвещенных сердцах, / сжигает же паки хвратная нечестивых баснодеяния, / огонь бо Духа таковое иматъ действо. / О, чудо странно и страшно! Бранный язык, бранный естество, тело перстное / умное и невещественное прият знание, / но, о тайннице неизреченных и зрителю Небесных! / моли озаритися душам нашим.

Глас 8. Творение Малакса:

Желаемаго Бога / во плоти увидев, на земли ходяща, / Боговидче первозванны, / единокровному вопиял еси, радуясь: / обретохом, о Симоне, желаемаго. / Спасу же Давидски возопил еси: / имже образом желает елень на источники вод, / сице желает душа моя к Тебе, Христе Боже. / Отонудуже и желанию желание приложив, / Крестом преходиши, к Немуже возжелел еси, / яко истинный ученик / и мудрый подражатель быв Крестом Того страстей; / темже и славы общник Его быв, прилежно молися о душах наших.

Слава, глас 8.

Андрея Иерусалимлянина или Анатолиево:

Проповедника веры и слугу Слова, / Андрея восхвалим, / той бо из глубины человеки уловляет, / вместо трости Крест в руках держая, / и, яко уже низпуская силу, / возводит души от лести вражия / и приносит Богу дар благоприятен присно. / Того, вернии, в лице ученик Христовых восхвалим, / да молится с ними, / яко да милостив будет нам в день судный.

И ныне, Богородичен:

Владычице, прими молитву рабов Твоих / и избави нас / от всякия нужды и печали.

На стиховне стихиры, глас 5.

Подобен: Радуйся:

Радуйся, словесное небо, / славу Божию всегда поведающее, / первый, Христа зовуща послушав тепле / и безотступно с Ним пребывая, / от Негоже просвещаемь, / увидел еси свет второй / и сущия во тьме молниями твоими просветил еси, / благи Того подражая. / Тем всесвятое твоё совершаем торжество / и мощей раку радостне целуем, / от

неяже источаеши спасение просящим / и велию милость.

Стих: Во всю землю изыде вещание их / и в концы вселенныя глаголы их.

Первый добродетелей обретатель / благоутробия ради нашим обложённого, Андрее Богомудре, / естеством, совокупился еси Ему разжжённою любовью, / единокровному вопия: / Егоже проповедаша пророцы в Дусе, обретохом, / гряди к Его красоте, / да привлечени будем и душею, и помышлением, / яко да световодствуем Того светостями, / ночь прелести и тьму неведения отженем, / Христа благословяще, / подающего миру велию милость.

Стих: Небеса поведают славу Божию, / творение же руку Его возвещает твердь.

Языки, неведущия Бога, / яко из глубины неведения уловил еси / мрежею твоих словес / и возмущаеши яве сланая моря, / конь храбрейший / явился еси владычествуящего морем, приснопеваемый, / и гнилость безбожия изсушил еси, / соль честную вложив — мудрость твою, / ейже и удивившася, апостоле славне, / обуявшей мудрости безстудне присвоившиися, / Христа не ведуще, / подающего миру велию милость.

Слава, глас 3. Германово:

Скробника Петра и Христова ученика, / рыболовителя и ловца человеков, / в песнях почтим, Андрея апостола, / Иисусовым бо учением / вся наказав догматы, / и яко льщение рыбам плоти беззаконным предаде / и тыя улови. / Того молитвами, Христе, / подаждь людем Твоим / мир и велию милость.

И ныне, глас тойже:

Иосифе, рцы нам: / како от святых, Юже приял еси, Деву / непраздну приводиши в Вифлеем? / Аз, — глаголет, — пророки испытав / и ответ приим от Ангела, уверихся, / яко Бога родит Мария несказанно, / Егоже на поклонение волсви от восток приидут, / с дары честными служаще. / Воплотивыйся нас ради, / Господи, слава Тебе.

Тропáрь, глас 4:

Яко апóстолов первозвáнный / и верховнаго сýщий брат / Влады́це всех, Андрее, моли́ся, / мир вселénней даровáти / и душáм нáшим велию мýлость.

Слáва, и ны́не, Богорóдичен воскресе́н.

НА УТРЕНИ**По 1-м стихослóвию седа́лен, глас 1.**

Подóбен: Гроб Твой:

Яко Божéственнаго ученикá и первозвáннаго всех Христóвых ученикóв / похваля́ем тя любóвию, Андрее апóстоле, и véрно вопи́ем ти: / изба́ви па́ству твою́, ёйже от Богá ввériлся еси́, / всякия скóрби, и нужд, и собла́знов, и всякаго озлоблénия.

Слáва, и ны́не, Богорóдичен:

Ру́ки Твойá, Честна́я, святы́я, ны́не простéрши умíльне, / по́мощь нам от Свята́го пода́ждь / и даждь безбéдно жизнь соверши́ти сла́влящим Твоё пресвятóе Рождество́ / и Тя, Влады́чице, написýющим, Отрокови́це, наде́жду и хвалу́.

По 2-м стихослóвию седа́лен, глас 3.

Подóбен: Божéственныя véры:

Первозвáнна ты обрéте Христóс, / тайнника изряднейша, Андрее блаже́нне, / и повелénия Егó усéрдно возвыша́юща вселénней, / я́коже перна́т, просвети́л еси́ язы́ков состоя́ния, / Тогó я́ко Бóга моли́ даровáти нам велию мýлость.

Слáва, и ны́не, Богорóдичен:

Божéственная ски́ния была́ еси́ Сло́ва, / едина Пречы́стая Ма́ти Дéво, чистото́ю А́нгелы превозше́дшая, / па́че всех менé, персть б́ывша, / оскверне́на плотскы́ми прегрешéньми, очы́сти моли́тв Твои́х Божéственными вода́ми, / подаю́щи, Чы́стая, велию мýлость.

По полиелéи седа́лен, глас 5.

Подóбен: Собезначáльное Сло́во:

Апóстола вси восхва́лим я́ко самови́дца* Сло́ва, / и Божéственнаго проповéдника, / и язы́ков

* самови́дца — очевидного свидетеля

духовнаго ловца яко войстинну, / ибо приведе ны в познание Христова Андрей Богоглаголивый, / велий истинно наш предстатель, / и ныне молится непрестанно во еже спасти души наша.

Слава, и ныне,

Богородичен:

Иже на Тя надежды, Дево Пречистая, несомненно имущих, покров сущи, / от различных напастей, и обстояний, и бед лютых свободи нас, / молящи Сына Твоего со апостолы Его, / и спаси вся, воспевающия Тя.

Степenna, 1-й антифон 4-го гласа. Прокимен, глас 4: Во всю землю изыде вещание их и в концы вселенныя глаголы их. Стих: Небеса поведают славу Божию: Всякое дыхание: Евангелие от Матфея, зачало 9.

По 50-м псалме стихира, глас 8:

Проповедника веры и слугу Слова: (зри страницу 519)

Канон Богородицы со ирмосом на 6. Глас 1.

Песнь 1

Ирмос: Песнь победную поим вси Богу, / сотворшему дивная чудеса мышцею высокою / и спасшему Израиля, яко прославися.

Яко едина безлетнаго Сына, / в лете порождши воплощенна, Всесвятая Пречистая, / вся летныя страсти всестрастныя моея души врачй.

Язвы души моея и сердца ожесточение, / помысла омрачение и ума побеждение потреби, Пречистая, / яко сострадательна, Твоими молитвами.

Иже Свет рождшая, Избавителя моего, / тьмы и мук вечных тамо избави мя, Пречистая, / яко да спасаемь, воспеваю величия Твоя.

Ума моего, Всепетая, омрачения светом Твоим отжени, / Свет рождшая сущий паче ума, / и даруй ми, Благая, еже Свет узрети, из Тебе возсиявший нам.

И апостола два канона, на 8. Канон первый, творение Иоанна монаха. Глас 1.

Песнь 1

Ирмос: Твоя победительная десница / Боголепно в крепости прославися: / та бо, Безсмертне, яко

*всемо́гущая, протѣвныя сотрѣ, / израїльтяномъ путь
глубины́ новосодѣлавшая.*

Смутѣвшуюся мою́ дѹшу помышлѣнии же и
словесы́ / очисти всельшеюся в тя, проповѣднице
Христовъ Андрѣе, Божѣственнойю благодатию, / яко
да чисте источѹ ти пѣние достѣйное.

Честное, Предтеча Христовъ, своихъ учениковъ
верховнейшее, / от неплодове прозябший, из
Дѣвы рождшемуся Христу́ препрославленному, /
Андрѣя, радуясь, приведе́.

Желаніем и любовью неуклонною добродѣтели
степеней начен / и восхожденію присно поуча-
ясь, / от немощныя силы к верховнейшей, Андрѣе,
силе достигл еси́.

Богородичен: Радуйся, благодати истѣчнице; /
радуйся, лѣстнице и двѣре Небесная; / радуйся,
свѣщнице, и стамно златая, и горѣ несекѣмая, /
Яже Жизнодавца Христа́ миру́ Рѣждшая.

Другій канѣн апѣстола, гласъ тѣйже.

Песнь 1

Ирмосъ: Столпомъ ѡгненнымъ и ѡблачнымъ / Израї-
ля наставляей яко Бог, / море разверже, колесницы
же фараоновы глубиною́ покры, / поимъ песнь
побѣдную, яко единъ прославися.

Трѣстию Евангелія из глубины́ лѣсти изьемъ,
Андрѣе многопѣтый, / ты уловил еси́ люди, / яко
обещая Христѣс, научивый тя человеки, яко рыбы,
ловити.

Иже веры столп, сѣдалище истинныхъ догматъ
Христовыхъ, Андрѣй Богодохновенный / вся днесъ
призываетъ земныя концы́ прѣзднество лѣтное
составити, / стецемся ѹбо, вси вернии.

Морскаго кита мрежами испытѹя, / худѣже-
ствомъ ловецъ мрежею Дѹха язѹки, племена́ и люди
уловляеши Дѹхомъ явственнее / и вышнюю глубину́,
многочѹдне, яве открываеши намъ.

Тайноградче Небесный, самовидче и риторѣ
неизреченнаго познания Христова, / приемы́й
свыше Дѹха Святаго, глаголюща в язѹцехъ Сѣдя-
щаго, / огнемъ разделяюща дарованія, моли спасти-
ся намъ.

Слава,

Трѣичен: Прѣбезначальныя Трѣицы Единице Пресущественней / вѣрою поклоняюся, не разсецаѣя Божества, / есть бо Единовѣдна, Простѣя, Нераздѣльна, / совокупляю же сию Существомъ, Лицы же вѣрне разделяю.

И ныне,

Богородичен: Младѣнствует Бог из Дѣвы и обновляет растлѣвшися из Адама, / разрушает же средостѣние и вражды преграждѣние плотию Своєю, / клятву благословляет праматернюю, из Пречистыя Матере прошѣд.

Катавасія: Христосъ раждается:

Песнь 3

Ирмосъ: Да утвердѣтся сердце мое в воли Твоей, Христѣ Божѣ, / ѡже над водами небо утверждѣй второе / и основавый на водахъ землю, Всесильне.

Неплѣдныя мѣсли моея безплѣдие все отжени / и плодонѣсну добродѣтелями дѣшу мою покажи, / всесвятѣя Богородице, вѣрныхъ помощнице.

Избави мя, Всенепорѣчная, всякаго осужденія / и многихъ соблазновъ змѣевыхъ, / вѣчнующаго огня и тьмы, ѡже Светъ рѣждшая намъ невечерний.

Страшнымъ судищемъ, Чистая, и огнемъ ѡнемъ неугасимымъ, / и отвѣтомъ лютымъ весь осужденъ есмь, / потщися спасти мя прѣжде конца, Благаѣя, раба Твоего.

Благословѣнъ Плодъ чрева Твоего, Дѣво Всепѣтая, / истлѣвшія бо плодомъ дрѣва / ради Креста Егѣ нетлѣнія причастники сотворила еси Божественною благодатию.

Ин

Ирмосъ: Единѣ Вѣдыйъ челоуѣческаго существа немощь / и милостивно в не вообразяся, / препояши мя с высоты силою, / еже вопити Тебѣ, Святей: / одушевленный храмѣ неизреченныя славы Твоея, Челоуеколѣбче.

Притеклъ еси, жаждуею не званъ, Андрее, / но самовольне жизни ко истѣчнику, ѡкоже елень, / и всемъ, сегѣ обрѣт, проповѣдалъ еси, / и, пивъ, напоилъ еси нетлѣнія водами истѣявшия жаждуею концы.

Увѣдев естѣственные законы, Андрее досточудне, / и общника сродника приѣл еси, вопиѣ: / обретохом желаемаго и путесотворившаго плоти рождѣние, / сказал еси разум духовный.

Мрежею слова из глубины прелести уловил еси словесныя рыбы, апостоле, / и трапѣзе Христовей снедь чистую принѣсл еси, / просвещенныя благодатию Явльшагося в подобии плоти.

Богородичен: Бѣга зачѣнши во утробѣ, Дѣво, Духом всесвятѣм, / пребыла еси неопальна, / понѣже Тя купина, законоположнику Моисѣю палиму, / несожжена яве предвозвести, огонь приемшую нестерпимый.

Ин

Ирмос: Да утвердѣтся сердце мое в воли Твоей, Христѣ Бѣже, / иже над водами Небо утверждѣе вторѣ / и основавый на водах зѣмлю, Всесильне.

Словом призывающему, — гряди во след Менѣ, — Христу абие послѣдова со Андреем и Кифа, / родителя оставивше, и ладью, и мрежи, / яко веры предусмотрителие.

Капища претворив в храмы Бѣжия, всечестне, / освятил еси в них сыны Крещѣния, / иже благодать обновѣ водою и Духом.

Бисер многоценный таинственне миру предложил еси, / в селе сердца твоего сокровенный, апостоле, / егѣже верою сокровищствоваша языцы обрѣтшии.

Яко сокровище, Евангелие в руки прием, многопѣте, / всю обогатил еси зѣмлю Божественныя проповѣди, / тѣмже и пѣмь твою почитает со страдания твоими.

Слава,

Троицен: В Троице Едину Силу православне вси воспѣм, — / Безначальнаго, Несозданнаго Бѣга, Единосущнаго, / Сопрестольнаго, Триипостаснаго, Трисолнечнаго, — / Сию воспевающе.

И ныне,

Богородичен: Всяка убо мати, чадо рѣдши, не кому дѣвствовати может, / Ты же, рѣдши Христа, Дѣво Мати, / пребыла еси, млекопитающи Жизнь нашу и чиста пребывши.

Седáлен, глас 8.**Подóбен: Премúдрости:**

Яко первозвáннаго всех ученикóв, и самовíдца
Слóва, и служíтеля, / Андрее апóстоле, по дóлгу
чтим тя, / Агнцу бо, взémлющему грехí мíра, /
несомнénною véрою тёпле послéдовал есí, / отонú-
дуже и стра́сти Егó общник показáлся есí, /
плóтию претерпéвшаго нас рáди вóльно смерть. /
Сегó рáди вопиём ти: / моли́ся Христú Бóгу грехóв
оставлénие подáти / прáзднующим любóвию свя-
тую пáмять твою́.

**Слáва, ин седáлен,
глас и подóбен тóйже:**

Идольская свирéпства низложíв, / Спáсовы
стра́сти возжелéв, Андрее блажénне, показáлся
есí апóстол, / с небесé всем точá чудесá, и язýков
был еси, всеблажénне, учíтель. / Тем твою́ пáмять
достóйно чтúще, в пéснях слáвим и véрно величá-
ем, Госпóдень апостолe, / моли́ся Христú Бóгу
грехóв оставлénие даровáти / прáзднующим любó-
вию святую пáмять твою́.

И ны́не,

Богорóдичен: Рáдуйся, престóле огнезрáчный
Бóжий; / рáдуйся, Отроковíце, седáлище цáрское,
óдре упещренопостлáнный, / златопорфíрный
чертóже, хламíдо червленошáрная, / украшénный
хра́ме, молненóсная колеснíце, светíльниче
многосветлýй; / рáдуйся, Богорóдице, двонадеся-
тостénный гра́де, и дверь златоковáнная, / и чертó-
же светообрáзный, светлопозлащénная трапéзо,
Богоукрашénная скíние; / рáдуйся, слáвная Невé-
сто солнцекáплющая; / рáдуйся, едíна душí моея́
благолéпие.

Песнь 4

Ирмо́с: Дúхом провíдя, прорóче Аввакúме, /
Словесé воплощénие, проповéдал есí, вопи́я: /
внегда́ прибли́житься лéтом, познаéшися, / внегда́
приитí врéмени, пока́жешися. / Слáва síле Твоéй,
Гóсподи.

Дéво всесвятáя, несквэрная скíние, / осквернé-
на мя прегрешénными очíсти ны́не щедрóт Твои́х
чистейшими кроплéнями / и даждь ми рúку помо-

щи, да зову: / слава Тебѣ, Чистая, Богопрославленная.

Храм освященный явилася еси Бѣга, в Тя всельшагося, Дѣво, паче ума, / Того моли греховныя нас скверны очисти, / яко да храм познаем-ся и обителище Духа.

Помилуй мя, Богородице, яже едина милости источник рождающая, / и разреши души моея лютую болѣзнь и недоумѣние сердца, / слез струю и умилѣние прежде конца дарующи Божественное молитвами Твоими.

Познав Тя гору пророк Духом Божественным прописав присенную, Чистая, / истаявшая пламенем многих согрешений очисти ходатайством Твоим, Дѣво, / едина человеков исправление.

Ин

Ирмос: Гору Тя, благодатию Божиею приосе-ненную, / прозорливыма Аввакум усмотрив очима, / из Тебѣ изыти Израилеву / провозглашаше святому / во спасение наше и обновление.

Божественная, истребительная горшаго вседетельнаго и светозарнаго Духа сила, / в тя, Андрее, всельшися Боголепне, / огненнаго языка во образе, неизреченных показав ты проповѣдника.

Не оружия ко мщению взяше плотская / и к низверженію крепких твердынь вражиих, Андрей всечестный, / но, Христом оградився, принесе, пленив, языки в послушание.

Гору ты, каплющую разумное веселие, / преественный Бог, осуществивыйся еже о нас, Андрее, яви, / горы горькаго демонскаго возношения потребляющую силу Духа.

Любовию совершающая твою память в пѣснях, / от обильна дара Учителя твоего, Христа, Андрее пребогате, / духовнаго веселия водами исполняя не престаи молитвами твоими.

Богородичен: Поем велие и страшное Твое тайнство, / премирных бо утайвся чиноначалий, / на Тя присно Сый сниде, яко дождь на рунѣ, Всепетая, / на спасение наше и обновление.

Ин

Ирмос: Духом провидя, пророче Аввакуме, / Словесе воплощение, проповѣдал еси, вопия: /

внегда приблизитися лѣтом, познаѣшися, / внегда приити времени, покажешися. / Слава силе Твоей, Господи.

Мрѣжи твоя повѣрг и взѣм Крѣст, путѣм последовал еси зовущему Христу / и, мрѣжу Духа распростѣр, вмѣсто рыб человеки ловиши. / Слава давшему ти Духу.

Духа пламень языком приим, / был еси, апостоле, Богоприятен муж, / небесныя красоты обходя, и яже в тех умная познавая доброты, / и нам открываяя сия.

Пустыню жаждущую напоил еси, мудре, Божественными словесы твоими / и показал сию многоплодну, / чада церковная плодоносящую проповеди семя. / Слава давшему ти Духу.

Неизреченную твою доброту Андрей предвидев, Иисусе, / сродника призвѣ светле: / Пѣтре единокровне, обретохом Мессию, в законѣ и пророцех проповѣданнаго, / гряди, прилепимся истинно жизни.

Слава,

Трѣицѣн: Трѣицу во Единице воспойм, вѣрнии, / во Едином Божествѣ Отца, и Сына, и Духа Божественнаго, / Существо Единое и Естество Нераздельное, Неразлучное, Нечастное: / Един бо в Трех Лицах Бог.

И ныне,

Богородичен: Единого от Трѣицы неизреченно во чреве зачѣнши, / родила еси нетленно яко Сына, / и Трѣица убо прилога отнюд не возымѣ, / и чиста, якоже бе и прежде рождества, цѣла, Богомати, пребывши.

Песнь 5

Ирмос: Твой мир даждь нам, Сыне Божий, / иного бо, разве Тебѣ, Бога не знаем, / Имя Твое именуем, / яко Бог живых и мертвых еси.

Зѣницы сердца моего развѣрзи, Чистая, / зрѣти ми ясно Божественное сияние / и Твою славу неизреченную, яко да милость получу и вечную славу.

Во двою хотѣниих, Единого Честныя Трѣицы породила еси, Всенепорочная, / носящаго Едину

Ипостась, / Егѡже моли прилѣжно всем спастися нам.

Пречистая, яко рѡждши Спаса и Бѡга, / моли от всякыя мя скорби, и болѣзней, и озлобленія спасена соблюсти, / Твоегѡ непотрѣбнаго раба.

Моли, Егѡже родила еси, Дѣво, паче ума, спасти вѣрою Тебѣ зовущия: / радуйся, Дѣво всенепорѡчная, / радуйся, Благословенная, мѡра предстательство.

Ин

Ирмос: *Просветивый сиянием / пришествія Твоегѡ, Христѣ, / и осветивый Крестѡм Твоимъ мѡра концы, / сердца просвети свѣтом Твоегѡ Богоразумія / православно поющихъ Тя.*

Восприял еси, Егѡже вожделе еси, Андрѣе апѡстоле, / в нетлѣнныхъ с Нимъ обитавъ селѣннихъ, / трудовъ твоихъ снопы пожавъ достойно, / тѣмже ты пѣсньми славимъ.

Возлюбил еси Владыку / и Тогѡ во след бѣстро потѣкл еси, стопами Егѡ к жизни наставляемъ / и страстей Тогѡ нелживо, пречестне Андрѣе, даже до смѣрти подражая.

Напряг ты, яко стрелу силъну, блаженне, испустѣ в весь миръ Господь, / ураняя дѣмоны и злочѣстиемъ уязвленныя человеки врачуя.

Богорѡдичен: *Веселятся Небесныя силы, зряще Тя, / радуются с ними и человѣческая собранія, / Рождествѡмъ бо Твоимъ соединишася, Дѣво Богорѡдице, Ты достойно славяще.*

Ин

Ирмос: *Озари наш ум, Бѡже, / свѣтомъ заповѣдей Твоихъ, / и свѣтлостію благодати Твоея, / даруя намъ, Блаже, Твою милости, / занѣ светъ и миръ повелѣнія Твоя.*

Вожделевый Крестѡмъ, Христѡмъ ученичѣ, / получил еси крестѡмъ твоимъ Нетлѣнное Царство, / к немуже вся привлѣкл еси Крестѡмъ Боготайнники, / наследство подай Богословомъ тогѡ.

Поискал еси Христа, истинно Животѡмъ, / и, взыскавъ, пѣрвый обрѣл еси, / обрѣт же, тайне приял еси, / и приѣмъ Сегѡ в самомъ давшемъ, и был еси сокровище жизни нетлѣнный.

**Глаголы твоих Божественных гремяний изли-
яшася в мире / и от краев до краев земли
проидоша, / окружиша бо, якоже колесо, и явша-
ся твоя молния, / яко глаголет Давид, вселенней.**

**Поминай нас, Христов учениче, совершающих
твою память и чтущих мощи твою, / молися присно
прилежно о пастве, / еяже был еси изначала
хранитель и спасение.** **Слава,**

**Троицен: Отца и Сына и Духа — Бога, / Нераз-
дельную Троицу, Триипостасное Царство просла-
вим согласно, вернии, / безпрестанными Богосло-
вии, Сию верно песнословяще.**

И ныне,

**Богородичен: Родила еси Свет, не ведущи како, /
всесветлый свещниче Солнца светоносящая, / и
была еси невественнаго Света новое приятели-
ще, / точащее всей земли Богознания зарю.**

Песнь 6

**Ирмос: Пророка Иону подражая, вопию: / жи-
вот мой, Блаже, свободи из тли, / и спаси мя, Спасе
мира, зовуща: / слава Тебе.**

**Осквернена мя многими грехи, / молюся Тебе,
сущо благой и нескверней скинии, / омый от
всякия скверны ходатайством Твоим.**

**Кормчий мне буди, Чистая, / влаемому присно в
пучине лютых житий искушеньми, / и спаси мя ко
спасения пристанищу управивши.**

**Треволнения помышлений, и страстей наход-
дения, / и глубина грехов окайнную мою душу
обуревают, / помози мне, святая Владычице.**

**Величия Тебе присно сотвори Христос, / Егоже
моли всегда возвеличить на мне / богатыя Своей
милости, Богоблагодатная.**

Ин

**Ирмос: Обиде нас последняя бездна, / несть
избавляя, / вменихомся, яко овцы заколения, /
спаси люди Твоя, Боже наш, / Ты бо крепость
немогущих и исправление.**

**Море житейское преплывая в ладий телесней, /
всяческая правящаго, Христа, обрел еси кормчия,
всеблаженне, / и к Немю, радуясь, пристал еси,
Андрее всечестне.**

Духи словом прогоняются, / недужи бѣгают,
душевных же страстей множество далече от
недужных отгоняются / данною тебе от Бога,
Андрее, благодатию.

Яко волна тихая, кратким духом движимь,
блаженне, / иссушил еси моря лукавая многобожия
Божественными струями / и реки Богознания всем
источил еси.

Богородичен: Веселятся о Тебе, Дево Пречистая,
рода нашего праотцы, / Едем восприемше
Тобою, егоже преступлением погубиша, / Ты бо
Чистая и прежде Рождества и по Рождестве еси.

Ин

Ирмос: Пророка Иону подражая, вопию: / живот мой,
Блаже, свободи из тли / и спаси мя, Спасе
мира, зовуща: слава Тебе.

Иже из Вифсайды изводимый, / нас праздновати
созывает, / торжество свое предложив нам
изрядства борений своих.

Художеством рыбарь, верою же ученик, / яко
глубину испытую сердца верных, / удицу низпускает
слова и ловляет нас.

Любве Христовы в сердца твоём огонь обнося,
учениче, вопиял еси языком: / пламень ваш угасе,
истинно явльшуся Христу.

Солию ум осоливше Христовою. / яди ваша
усладиша вам догматы небесныя и нетленные
сладоности.

Слава,

Троицен: Отцу и Сыну и Духу Правому поклонимся,
вернии, — / Триипостасному Естеству Нераздельному,
— вопиюще: / слава в Троице Богу.

И ныне,

Богородичен: Благоволением Отца воплотися
Сын, / Духом Божиим во утробе Твоей, Чистая, / и
спасе прежний образ, Богородительнице, яве.

Кондак, глас 2.

Подобен: В молитвах:

Мужества тезоименитаго Богоглагольника / и
Церкве возследователя верховнаго, / Петрова
сродника восхвалим, / зане якоже древле сему и
ныне нам воззва: / приидите, обретохом Желаемого.

Икос:

Дрѣвле ўбо Давид востягáет грѣшнаго, ꙗко менѣ, / повѣдати Божія благослѣвне оправдáния, / обáче к вѣре учит пáки / и слезáми мнѣжайшими изглабѣльствует: / днесь бо глас Егѡ áще услышите, / сердѣц не ожесточите, ꙗко нѣкогда Израиль преогорчѣ. / Навѣдит же прѣчее во псалмѣ: / Гѡсподеви вся землѣ * воспѡйте, / приидите, обретѡхом Желáемаго.

Песнь 7

Ирмос: Сѹщим в пещѣ отрокѡм Твоим, Спасе, / не прикоснѹся, ниже стужѣ огонь. / Тогда триѣ ꙗко едѣними усты поѣху / и благословлѣху, глагѡлюще: / благословѣн Бог отецъ нáших.

Осквернѣвшуюся страстьми дѹшу мою освятѣ всегда рабá Твоегѡ, Чѣстая, / и умá лѹтое пленѣние, и сѣрдца ожесточѣние, / и дѣмонов стремлѣния вскорѣ потребѣ.

Умерщвлѣный страстьми плотскѣми, Всенепорѣчная, оживѣ ум мой, / и Бѡгу угѡдная совершáти укрепѣ мя, / да величáю Тя, да слáвлю прѣсно благоутрѣбие Твое.

Умерщвлѣна мя, Владѣчице чѣстая, плотскѣми страстьми, / и дѹшѣ моеѣ смиренныя скверну лѹтую очищáющи, Дѣво, / и ловлѣния невидимых врагѡв избáви и спасѣ мя.

Тебѣ, Всесвятáя, Непорѣчная, Чѣстая, / рабѣ Твой, всегда день и ночь припадаем, сокрушѣнием сѣрдца моляще / избавлѣние грехѡв обрестѣ нам Твоими молѣтвами.

Ин

Ирмос: Тебе, умную, Богородице, пещь / разсмотримъ, вѣрнии, / ꙗкоже бо ѡтроки спасѣ три Превозносимый, / мир обновѣ, во чрѣве Твоѣм всецѣл, / хвáльный отцѣв Бог и препрослáвлен.

Нелжѣиво ꙗвственнѡ испѡлнися обещáние Твое, Христѣ, / бѹри бо ученикъ Твой Божѣственнейший, / слѡвом запрещáя, на крѡткую тишину преложѣ, / хвáльный отцѣв Боже и препрослáвленный.

* вся землѣ — все зѣмли

На умную Сиона, апостоле, взыти гору повелен, / спасения же приим чашу, / радуясь, подавши, переходя смертию к Божественной жизни, / хвального отцев Бога и препрославленного.

Тя словесную реку показа Божественная вода жизни, / прелестныя реки потоки изсушающую, блаженне, проповедания / и вопиющия напаяющую: / хвальный отцев Боже и препрославленный.

Ты земнороден сый, апостоле, преестественно чудодействуеши, / любовь бо срастворився, Тому последовал еси, возлюбившему тя Христу, / хвальный, воспевая, Бог и препрославленный.

Богородичен: Тя Иаков, Богородице, лестницу пророчески разуме, / Тобою бо на земли Превышаемый явися человеком и поживе, якоже благоволи: / хвальный отцев Бог и препрославленный.

Ин

Ирмос: *Сущим в пещи отроком Твоим, Спасе, / не прикоснуса, ниже стужи огонь. / Тогда трие, яко едиными усты, пояху / и благословляху, глаголюще: / благословен Бог отец наших.*

Всесвятаго Духа огонь, сошедый свыше, апостоле Христов, / языки новы, имже никогда же вещал еси мира концем, / повеле тебе глаголати величия Его.

Преудивляет всяку мысль проповедь, / юже вострубисте земли, тайницы Христовы и зрители вьшних, / яко едины дванадесяте, тьмы земли просветисте.

Удивлена бысть, Владыко Христе, благодать Твоя в Богомудрых ученицех, / яко малии и простцы суще, всю землю протекоса / от конец ея даже до конец всех.

Кто научи тя тако глаголати, апостоле? / Кто просвети твой ум, зрети ясно неприступныя славы зарю, / возсиявшую истины свет в сердцах наших?

Слава,

Троицен: Троически воспойм, вернии, / славяще Безначальнаго Отца и Сына и Духа Праваго, — / Единственное Существо Едино, — Юже трегубо да воспойм: / Свят, Свят, Свят еси во веки, аминь.

И ныне,

Богорóдичен: Я́ко от Трóицы Едíнаго Тя, Христé, сла́вим, / я́ко из Дéвы воплотíвывыйся кромé вращéния, / челове́чески вся понéсл есí, не отступíв Естество́ Отéческаго, Иисусé, / а́ще и соединíлся есí нам.

Песнь 8

Ирмо́с: Егóже ужа́саются А́нгели и вся Бóинства, / я́ко Творца́ и Го́спода, / по́йте, священни́цы, прославíte, óтроцы, / благословíte, лю́дие, / и превозно́сите во вся вéки.

Воплоща́ется Безплóтный из Тебé Боголéпно: / Егóже моли́, Пречíстая, стра́сти моея́ души́ умертвítи / и оживítи ю, умерщвлéнную дрéвле злéйшим грехóм.

Уврачíла есí сокруше́ние Ада́ма пёрстнаго, / Спа́са ро́ждши, Пречíстая, и Бо́га, / Того́ умоли́ я́звы души́ моея́ уврачítи, неизлéчно недúгующия.

Возста́ви лежа́ща мя во глубинé злых / и ны́не борю́щая мя победи́ враги́, / уязвленную безме́стными сла́стми́ дúшу мою́, Чíстая, не прэ́зри, / но ущéдри и спаси́.

Уврачи́, Пречíстая, стра́сти моего́ сёрдца, ро́ждшая всех Врача́, / и пра́ведных ча́сти покажи́ мя прича́тника, Дéво, Христа́ умоля́ющи.

Ин

Ирмо́с: В пеци́ óтроцы Изра́илевы, / я́коже в горни́ле, / добро́тою благоче́стия чистéе злáта блещáхуся, глаго́люще: / благословíte, вся дела́ Го́сподня, Го́спода, / по́йте и превозно́сите во вся вéки.

Светонóсная и веселотво́рная луча́ врачевáний, Андрéе, Христóв апо́столе, / осиява́ет нас Божéственная па́мь тво́я, вопию́щих: / вся дела́ Го́сподня, Го́спода по́йте и превозно́сите во вся вéки.

Челове́ческое естество́ получи́в, того́ превозше́л есí зако́ны, / и ко А́нгельстей прешéл есí ски́нии, Андрéе апо́столе, и зове́ши: / вся дела́ Го́сподня, Го́спода по́йте и превозно́сите во вся вéки.

Еже с высоты Духа Божия дохождение ты прежде огненно просвети, / риторы, Богоглаголивые, покажет тепла, вопиющая, апостоле, Христу твоему: / вся дела Господня, Господа пойте и превозносите во вся веки.

Светолучен, якоже молния, во свет языков изшел еси, / тьму неведения отгоня, и верныя просвещая, зовущия: / благословите, вся дела Господня, Господа, пойте и превозносите Его во веки.

Богородичен: Радуйся, престоле славы Божия, радуйся, верных стен, / Еюже Свет сущим во тьме возсия, — Христос, Тебе блажащим и вопиющим: / вся дела Господня, Господа пойте и превозносите Его во веки.

Ин

Ирмос: На Синаи купину горящу / неопальну сохраншаго / и отроки посреде горящаго пламене избавльшаго, / Бога пойте, благословите / и превозносите Его во веки.

Художеством рыбарства из моря уловил еси рыбы, всеумдре, / ныне же верою человеки ловиши Христу от лести вражия, / глубина бо бе лести иногда, погружающая языки бурю неведения.

Умную жития неволненно преплыл еси глубину, апостоле, / прелетев ветрилом Духа, верою Христовою. / Темже и в пристанище жизни достиг еси, радуясь, во вся веки.

Умному Солнцу, на Древе зашедшу самовластною волею, / иже Солнца светильник сразрешится ищай зайти во Христа, / на древе повешен бысть крестнем Андрей великий, светило церковное.

О учениче и любимиче Христов и сочисленне апостолов Его! / Егда на Престоле сядет Судия с вами дванадцатьми судити, яко обещание глаголет, / будьте тогда нам человеколюбия стена.

Благословим Отца, и Сына, и Святаго Духа, Господа.

Троицен: Трисветлую Единицу и Троицу Сопрестольную / возславословим неразделяюще, соединяюще же Ю соестественно, / яко Едино истинно Существо, соединенно в Лицах Трех несливаемо.

Богорóдичен: Сýща от Трóицы Едíнаго зачѣнши, родилá еси, / воплощённаго из Тебѣ и обновляющаго закóны естества Рождеством Твоим, Чíстая, / Тогó о нас я́ко Бóга прíсно молящи не престáй, Богорóдице.

Песнь 9

Ирмос: Светонóсный óблак, в óньже всех Влады́ка, / я́ко дождь с небесé на руно́, снiде / и воплотiся нас рáди, / быв Человѣк, Бѣзначáльный, / велича́ем вси я́ко Мáтерь Бóга нáшего Чíстую.

Грехолóбив сый, в нерадѣнии пребывáю и суди́ща, Чíстая, неумы́тнаго трепѣщу, / в нёмже соблюди́ Твоими святы́ми моли́твами, Богоневѣсто, неосуждѣнна, / да я́ко предстáтельница мою́ ублажа́ю Тя прíсно.

Трепѣщу суди́ща, Дѣво, и незабвѣннаго óка Твоегó Сы́на, / дея́ния сра́мная на землi соверши́в, и сегó рáди Тебѣ зову́: / всеблагоутрóбная Влады́чице, помози́ ми, / и тогдáшняя нýжды изми́ мя, и спаси́, Чíстая.

Коль стра́шен день испытáния, Отрокови́це, / коль ужáсен отвѣт, коль лют срам! / Кто постои́т прóчее, пречíстая Влады́чице? / Помiлуй стра́стную мою́ дýшу / и прѣжде концá даждь ми оставлѣние, Чíстая.

Свет порóждшая Божѣственный, / омрачѣннаго всякими прилóги лука́ваго и злóбами всякими / и прогнѣвающаго Бóга, Всенепорóчная, просвети́, / путеводя́щи к благiм дея́нием, я́ко винóвна сýщи всех дóбрых.

Ин

Ирмос: Óбраз чiстаго рождества́ Твоегó / огнепáлимая купина́ показá неопáльная; / и ны́не на нас напáстей свирѣпеющую угаси́ти, мо́лимся, пещь, / да Тя, Богорóдице, / непрестáнно велича́ем.

Я́ко учени́к всеизя́щнейший, / на Крестѣ хотѣнием распѣншемуся Влады́це твоemú да́же до смѣрти послѣдуя, / возше́л еси́, радуяся, на высоту́ крестá, / идя́й шѣствием на Небесá, блаженне апóстоле.

Дверь Едема тебе отворзеса, и предложися лѣствица небѣсная, / и приѣша ты небѣсныя обители, / и предстал еси, радуяся, апостоле, Христу Жизнодавцу / о мире молитвенник изящнейший.

Равными прославился еси страданьи Учителя твоего, блаженне Андрее всеумудре, / крестом бо Божественный конец приѣл еси и причастием Бог был еси. / Темже ты молим о нас присно молися.

Радуюся, двоице всеизряднейшая, на Небесех наследовавши ныне гражданство, / назираете же венцев произволение, / тех побеждаючи силу, и Божественных дарований просвещаете светлостми.

Богородичен: Из корене Давидова прозябла еси пророческаго, Дева, и Богоотческаго, / но и Давида яко истинно Ты прославила еси, / яко рождающая пророчествуемаго Господа славы, / Егоже поюще, достойне величаем.

Ин

Ирмос: Светоносный облак, в оньже всех Владыка, / яко дождь с небес на руно, сниде / и воплотися нас ради, / быв Человек, Безначальный, / величаем вси яко Матерь Бога нашего Чистую.

Иже мрежу распрострый таинственного Боговидения / и яко рыбы в ней уловивый добротами небесных разумений, / моли, святе, Святую Троицу источити и нам очищение.

Благодарим языцы, тобою просвещиися и от земли на Небеса тобою возведеннии, / служения бо вражия отступльше, быхом сопричастницы святых Ангел, / Господния же славы общницы.

Неизреченных самовидцы и служителие Слова, / таинственноводцы и зрителие неизследных, / снаследником и нам быти молитесь, апостоли, Христова царствия / и причастником Божества Его.

Вязати и решити приемше от Христа власть, / разрешите вся от уз многих прегрешений, / егда приидет Христос и вси сядите дванадесять на престолех толлицех / судити вся племена Израилева.

Сла́ва,

Тро́ицен: Триипоста́сное Естество́ и Неразде́льную Сла́ву, в Божестве́ Еди́ном пева́емую, / непреста́нно на Небеси́ и на земли́ Тро́ицу неразлу́чную просла́вим, / с Сы́ном Отцу́ и Ду́ху покланя́ющесея благоче́стно.

И ны́не,

Богоро́дичен: Под Твое́ благоутро́бие прибега́ющия ве́рою / и покланя́ющесея благоче́стно Сы́ну Твоему́, Де́во Богороди́тельнице, / Того́ я́ко Бо́га ми́ра и Го́спода моли́ / от тле́ния и бед изба́вити и вся́ких напа́стей.

Свети́лен.

Подобен: Ду́хом во святи́лици:

Сло́во Пребезнача́льное обрёт́я, всеблаже́нне, / перевозва́нна показа́ всех апо́столов, Андре́е приснопа́мятне, / и, Сего́ стопáм возсле́дуя, показа́лся еси́ путево́ждь заблуждших, / к Небе́сному сию́ возводя́ Божестве́нному ше́ствию.

Сла́ва,

Подобен: Же́ны, услы́шите:

Петро́ва скрoвника, ученико́в пе́рвейшаго, / самови́дца и слугу́ бывшаго Сло́ва, Андре́я апо́стола пресла́вно восхва́лим, / язы́ки бо просвети́ и, распят быв, / кончи́ну подьёмлет, я́ко учени́к Влады́ки.

И ны́не,

Богоро́дичен: Бо́га, Егóже родила́ еси́, Де́во всенепоро́чная, / моли́ о всех, благоче́стно Тя чту́щих, с перевозва́нным Андре́ем / уллучи́ти Божестве́ннаго осия́ния Твоего́ Сы́на / и стоя́ния избра́нных и святи́х, я́бо мо́жеша, я́ко хощеши.

На хвалите́х стихи́ры, на 4. Глас 1.

Подобен: Небе́сных чино́в:

Вифсайдо, ны́не весели́ся, / в тебе́ бо процвето́ша от ма́терня удо́лия / благово́ннейшии крѣ́ни, Петр и Андре́й, / ми́ру всему́ про́поведь ве́ры благово́нствующе / благода́тию Христо́вою, / Егóже и страсте́м приобщи́шася.

Андре́е, ра́дуйся и игра́й, / я́ко прия́л еси́ я́ве во словесе́ сия́нии / Со́лнца сла́вы, Христа́ Жизнода́вца, / Егóже и держáся, ве́рою пропове́дал еси́. /

Того моли непрестанно о нас, / véрою воспева́ющих тя.

Тайноучитель Божественнаго строения Христо́ва, / избранный в пёрвых, ученик бы́ти Сло́ва, / Андрей Богови́дец, вопия, глаго́лет, / единокрòвнаго Петра́ уви́дев: / обретóхом Мессию, / Егóже писание и проро́цы предпроповéдаша.

Пáтрский ты град пáстыря стяжа, / и градоде́ржца Божественнаго, / и бед всяческих избáвителя, / и хранителя́ ты, Андре́е му́дре, / благодарно чту́щий ты, / но моли́ непрестанно о нем спасти́ся невреждённу.

Сла́ва, глас 8:

Проповéдника véры / и слугу́ Сло́ва, Андре́я восхва́лим, / той бо из глубины́ челове́ки уловля́ет, / вме́сто трóсти Крест в руках держа́ и я́ко у́же низпу́щая си́лу, / возво́дит ду́ши от лэсти вра́жия / и прино́сит Бо́гу дар благоприя́тен присно. / Того́, véрнии, в лице́ учени́к Христо́вых восхва́лим, / да моли́тся с ни́ми, / я́ко да ми́лостив бу́дет нам в День Су́дный.

И ны́не, глас то́йже:

Восприими́, Вифле́еме, Бо́жию митропо́лию, / Свет бо незаходи́мый в тебе́ родитися прихóдит. / А́нгели, удиви́тесь на Небеси́; / челове́цы, просла́вите на земли́; / волсви́, из Перси́ды пресла́вныя да́ры принесите; / пáстырие, свиря́юще, Трисвято́е пэние песновоспо́йте. / Вся́кое дыха́ние да хва́лит Вседéтеля.

Славосло́вие вели́кое и отпуст.

НА ЛИТУРГИИ

Блаже́нны от канóнов, пэсни 3-я и 6-я. Прокі́мен, глас 8: Во всю зéмлю изы́де вещáние их / и в концы́ вселénныя глаго́лы их. **Стих:** Небеса́ пове́дают сла́ву Бо́жию, / творэ́ние же руку́ Егó возвещáет твердь. **Апóстол к Коринфяном, зачáло 131.** Аллилу́ия, **глас 1:** Исповéдят Небеса́ чудеса́ Твоя́, Го́споди: **Ева́нгелие от Иоáнна, зачáло 4. Прича́стен:** Во всю зéмлю изы́де вещáние их / и в концы́ вселénныя глаго́лы их.



Святой апостол Андрей Первозванный, один из двенадцати апостолов (греч. ἁπόστολος — посланник), избранных Самим Господом для евангельской проповеди. Родился в городе Вифсаиде в Галилее, впоследствии жил вместе со своим братом Симоном (Петром) в Капернауме, на берегу Геннисаретского озера, доставляя себе средства к существованию ловлей рыбы.

С юных лет апостол Андрей отличался молитвенной устремленностью к Богу. Он не вступил в брак, но стал учеником святого пророка Иоанна Крестителя, возвестившего о Боговоплощении. Когда святой Иоанн Креститель указал на Иордане святым апостолам Андрею и Иоанну Богослову на Иисуса Христа, называя Его Агнцем Божиим, они незамедлительно последовали за Господом (Ин. 1, 36—37).

Как повествуется в Евангелии, святой апостол Андрей не только первым последовал на призыв Господа (отчего в предании древней Церкви святому апостолу Андрею усвоено имя «Первозванного»), но он был также первым из апостолов, который исповедал Его Спасителем (Мессией), приведя ко Христу своего

брата Симона, будущего апостола Петра (Ин. 1, 40—41).

Из Евангелия мы узнаём, что святой апостол Андрей был вместе с Господом Иисусом Христом во время чуда с пятью хлебами, насытившими пять тысяч человек (Ин. 6, 8—9), говорил с Господом в Вербное воскресенье (Ин. 12, 22), вопрошал Его вместе с апостолами Петром, Иаковом и Иоанном на Елеонской горе о будущем разрушении Иерусалима (совершившемся в 70 г. по Р. Х.) и о признаках Второго Пришествия Спасителя (Мк. 13, 3—4; Мф. 24, 1—14; Лк. 21, 5—19).

После Воскресения и Вознесения Христова, свидетелем которого также был святой апостол Андрей, он возвратился в Иерусалим. Здесь в День Пятидесятницы вместе с другими апостолами и Пресвятой Богородицей, апостол Андрей исполнился Духа Святого (Деян. 1, 13; 2, 1—4), как предсказал Сам Господь (Деян. 1, 5). С проповедью Слова Божия святой апостол Андрей совершил несколько путешествий, во время которых трижды возвращался в Иерусалим. Он прошел Малую Азию, Фракию, Македонию, Скифию, Причерноморье (по преданию Грузинской Церкви, апостол Андрей проповедовал вместе с апостолом Симоном Кананитом в Абхазии, где апостол Симон принял мученическую кончину). Вверх по Днепру апостол Андрей поднялся до местоположения будущего Киева, где, как повествует преподобный Нестор Летописец, водрузил крест на киевских горах, обратившись к ученикам своим со словами: «Видите ли горы эти? На этих горах воссияет благодать Божия, будет великий город, и Бог воздвигнет много церквей». Продвигаясь далее на север, апостол Андрей дошел до поселения славян на месте будущего Новгорода и у нынешнего села Грузино водрузил свой жезл. Отсюда апостол Андрей через земли варягов прошел в Рим и вновь вернулся во Фракию. Здесь в небольшом селении Византии, будущем Константинополе, он основал христианскую Церковь, посвятив во епископа одного из семидесяти апостолов Христовых — Стахия. Так имя святого апостола Андрея связывает Константинопольскую и Русскую Церкви.

На трудном пути благовестника апостол Андрей претерпел много скорбей и страданий от язычников: его изгоняли из городов, подвергали избиению, например в Синопе. Но Господь хранил своего избранника и по его молитвам совершал дивные чудеса.

Последним городом, куда пришел Первозванный апостол и где ему суждено было принять мученическую кончину, был город Патры (Патрас).

Свою силу явил Господь через ученика Своего и в городе Патры (Патрасе). По молитве апостола выздоровел тяжело больной Сосий, знатный горожанин; наложением апостольских рук исцелилась Максимилла, жена правителя Патрского и его брат философ Стратоклий. Все это побуждало жителей города принимать от апостола Андрея святое Крещение, однако правитель города проконсул Эгеат оставался закоренелым язычником. Святой апостол с любовью и смирением взывал к его душе, стремясь открыть ему христианскую тайну вечной жизни, чудотворную силу Святого Креста Господня. Разгневанный Эгеат приказал распять апостола. Язычник думал опорочить проповедь святого Андрея, если предаст его смерти на кресте, который прославлял апостол. С радостью принял святой Андрей Первозванный решение правителя и взошел на место казни, громко возглашая: «Радуйся, Кресте, плотию Христовою освященный... Возьми убо мя от людей, и отдаждь мя Учителю моему, да тобою мя примет, Иже мя искупи тобою». Чтобы продлить мучения апостола, Эгеат приказал не прибавить

рук и ног святого, а привязать их ко кресту. По преданию, крест, на котором был распят святой апостол Андрей, имел особую форму — был в виде латинской цифры X (в иконографии т. н. Андреевский крест). Два дня апостол с креста учил собравшихся вокруг горожан. Люди, слушавшие его, всей душой сострадали ему и потребовали снять святого апостола с креста. Испугавшись народного возмущения, Эгеат приказал прекратить казнь. Но святой апостол стал молиться, чтобы Господь удостоил его крестной смерти. Как ни пытались воины снять апостола Андрея, руки им не повиновались. Распятый апостол, воздав Богу хвалу, произнес: «Господи, Иисусе Христе, приими дух мой». Тогда яркое сияние Божественного света осветило крест и распятого на нем мученика. Когда сияние исчезло, святой апостол Андрей Первозванный уже предал свою святую душу Господу († 62). Максимилла, жена правителя, сняла со креста тело Апостола и с честью погребла его. В 357 году мощи святого апостола Андрея были торжественно перенесены в Константинополь и положены в храме Святых Апостолов рядом с мощами святого евангелиста Луки и ученика апостола Павла — апостола Тимофея. По взятии Константинополя крестоносцами, в 1208 году мощи святого апостола Андрея были перевезены в Италию и помещены в кафедральном храме в Амальфи. При Папе Римском Пие II (1458) честная глава святого апостола Андрея была перенесена в Рим и положена в соборе святого апостола Петра.

